

Broj: 09-11-6-8-6723-7/23  
Sarajevo, 26.03.2024. godine

Na osnovu člana 69. stav (3) Zakona o javnim nabavkama („Službeni glasnik BiH“, br. 39/14 i 59/22), a na prijedlog Komisije za javne nabavke, imenovane Rješenjem, broj: 03-04-3-1582/24 od 28.02.2024. godine, federalni ministar financija/finansija **d o n o s i**

**Odluku o otkazivanju/poništenju postupka javne nabavke radova –  
ADAPTACIJA PROSTORIJA  
Federalnog ministarstva financija/finansija**

**I**

Otkazuje/poništava se postupak javne nabavke radova – Adaptacija prostorija Federalnog ministarstva financija/finansija, evidencijski broj nabavke: 09-11-6-8-6723-2/23, broj Obavještenja o nabavci sa Portala javnih nabavki: 810-7-3-51-3-32/23 od 23.11.2023. godine, Sažetak obavještenja o nabavci objavljen u „Službenom glasniku BiH - Oglasnik javne nabavke“, broj: 81/23, jer su nastupile okolnosti koje su izvan kontrole Ugovornog organa i koje se nisu mogle predvidjeti u vrijeme pokretanja postupka javne nabavke.

**II**

Odluka stupa na snagu danom donošenja i objavit će se na web stranici Federalnog ministarstva financija/finansija, u skladu sa članom 70. stav (6) Zakona o javnim nabavkama.

**O b r a z l o ž e n j e**

Postupak nabavke pokrenut je Odlukom o pokretanju postupka javne nabave radova – adaptacija prostorija Federalnog ministarstva financija – Federalnog ministarstva finansija, broj: 09-11-6-8-6723/23 od 19.09.2023. godine i broj: 09-11-6-8-6723-1/23 od 07.11.2023. godine.

Javna nabavka provedena je putem konkurentskog zahtjeva za dostavu ponuda. Procijenjena vrijednost nabavke iznosila je 28.000,00 KM bez PDV-a.

Obavijest o nabavci, broj: 810-7-3-51-3-32/23 poslana je na objavu 23.11.2023. godine, te je zajedno sa Tenderskom dokumentacijom istog dana objavljena na portalu javnih nabavki. Sažetak obavještenja o nabavci objavljen je u „Službenom glasniku BiH - Oglasnik javne nabavke“, broj: 81/23.

Zainteresirani privredni subjekt „DERMAN COMPANY“ d.o.o ZENICA, zastupan po punomoćniku Adnanu Hodžiću, advokatu iz Zenice, ul. Branilaca Bosne br. 8, izjavio je Žalbu, od 24.11.2023. godine na *Tendersku dokumentaciju za javnu nabavku radova – adaptacija prostorija Federalnog ministarstva finansija-financija,*

broj: 09-11-6-8-6723-2/23 od 23.11.2023. godine, koja je Ugovornom organu dostavljena dana 27.11.2023. godine.

Ugovorni organ-Federalno ministarstvo financija/finansija je utvrdio Izjašnjenje na navode žalbe, broj: 09-11-6-8-6723-4/2023 od 01.12.2023. godine, te je isto, u skladu sa članom 100. stav (5) i članom 94. stav (3) Zakona o javnim nabavkama, proslijedio Uredu za razmatranje žalbi, zajedno sa Žalbom žalitelja, kao i dokumentaciju u vezi sa navedenim postupkom.

Dana 17.01.2024. godine, Ugovornom organu-Federalnom ministarstvu financija/finansija Ured za razmatranje žalbi Bosne i Hercegovine, filijala Mostar, dostavio je Zaključak, broj: JN2-03-07-1-3567-6/23 od 22.12.2023. godine, kojim se žalba ponuđača Derman company d.o.o. Zenica, zastupanog po punomoćniku Adnanu Hodžiću, advokatu iz Zenice bez broja od 24.11.2023. godine, izjavljena na Tendersku dokumentaciju u postupku javne nabavke – Adaptacija prostorija, ugovornog organa Federalno ministarstvo finansija, odbacuje kao neuredna.

Komisija za javne nabavke, imenovana Rješenjem, broj: 03-04-3-1582/24 od 28.02.2024. godine dostavila je federalnom ministru financija/finansija Preporuku za donošenje odluke o otkazivanju/poništenju postupka javne nabavke radova - Adaptacija prostorija Federalnog ministarstva financija/finansija, obzirom da je predmetna javna nabavka bila predviđena Planom javnih nabavki Ugovornog organa u 2023. godini, te da je u skladu s tim finansiranje navedene nabavke bilo planirano iz sredstava Budžeta Federacije Bosne i Hercegovine za 2023. godinu.

U skladu sa članom 69. stav (3) Zakona o javnim nabavkama, navedeno predstavlja razloge kojima se dokazuje da su okolnosti koje su nastupile izvan kontrole Ugovornog organa, te da se iste nisu mogle predvidjeti u vrijeme pokretanja postupka javne nabavke, te u vezi s tim, Ugovorni organ okončava ovaj postupak donošenjem odluke o otkazivanju/poništenju.

Uzimajući u obzir naprijed navedeno, a shodno članu 69. stav (3) Zakona o javnim nabavkama, odlučeno je kao u dispozitivu ove odluke.

#### **POUKA O PRAVNOM LIJEKU:**

Protiv ove odluke može se izjaviti žalba Uredu za razmatranje žalbi Bosne i Hercegovine, putem Ugovornog organa – Federalnog ministarstva financija/finansija u pisanoj formi direktno, elektronskim putem ili preporučenom poštanskom pošiljkom, u roku od 10 (deset) dana od dana donošenja i objavljivanja na web stranici Ugovornog organa.



*Dostaviti:*

- 1. U dokumentaciju Komisije*
- 2. Sektoru za ekonomske, finansijske i zajedničke poslove*
- 3. a/a*